

Pasharo D'ermozura

Por una kaza chika

Vide una ijika

De anios era chika

Le deklari e1 amor

De anios era chika

Le deklari e1 amor

Sali delante d'eya

Ermoza komo la'estreya

Ya m'ensendio kon teya

Sin tener piadad

Ya m'ensendio kon teya

Sin tener piadad

Pasharo d'ermozura

Linda la tu figura

Aserkate al mi lado

Te oyere la boz

Aserkate al mi lado

Te oyere la boz

El pasharo bolando

Mi korason yorando

El me desho asperando

Sin tener piadad

El me desho asperando

Sin tener piadad

La Vida Do For El Raki

**La vida do por el raki
No puedo yo desharlo
De beber nunca me arti
Ni de tanto amarlo**

**Kuando esta en el barril
El no avla del todo
Kuando me ago yo kandil
Ago banios de lodo**

**El ya mos aze divorsar
Kazamientos de oro
La vida yo kero pasar
Kon rizas i kon yorros.**

**La vida do por el raki
No puedo yo desharlo
De beber nunca me arti
Ni de tanto amarlo**

**Me siento yo ijo varon
Me siento yo primario
Sin tener liras en el kashon
Me siento milyonario**

**La vida do por el raki
No puedo yo desharlo
De beber nunca me arti
Ni de tanto amarlo**

A La Una Yo Nasi

**A las dos me engrandesi
A las tres tomi amante
A las kuatro me kazi
Alma i vida i korason
Alma i vida i korason**

**Dime ninya d'onde vienes
Ke te kero konoser
Si tu no tienes amante
Yo te are deprender
Alma i vida i korason
Alma i vida i korason**

Durme Durme

**Durme, durme ermoza donzeya
Durme, durme sin ansia i dolor
Durme, durme sin ansia i dolorn**

**Ke tu 'sklavo ke tanto desea
Ver tu suenyo kon grande amor
Ver tu suenyo kon grande amor**

**Ay dos anyos ke sofre mi alma
Por ti joya, mi linda dama
Por ti joya, mi linda dama**

**Durme, durme ermoza donzeya
Durme, durme sin ansia i dolor
Durme, durme sin ansia i dolor**

Tres Ermanikas

**Tres ermanikas eran
Blankas de roz, ay ramas de flor
Tres ermanikas eran
Tres ermanikas son
Tres ermanikas eran
Tres ermanikas son**

**Las dos erankazadas
Blankas de roz, ay ramas de flor
Las dos eran kazadas
La una se deperdio
Las dos eran kazadas
La una se deperdio**

**Su padre kon verguenza
Blankas de roz, Ay ramas de flor
Su padre kon verguenza
A Rodes l'ambio
Su padre kon verguenza
A Rodes l'ambio**

**Varon es ke lo supo
Blankas de roz, ay ramas de flor
Varon Varon es ke lo supo
A la mar ya se echo
Varon es ke lo supo
A la mar ya se echo**

Misirlu

**No pretendas mas ke tu me amas
Ni te esforses a vertir lagrimas
Yo ya lo supe ke era por enganyar
Esto es un fakto ke no lo puedes niegar**

**Ah, ah, ah ah, ah, ah, ah, ah, ah, ach Misirlu
Es muy amargo, ach muy amargo el sufrir
Ma no por esto, uno deve murir**

**Munchos anyos te 'speri en vanedad
Kreyendo ke tu amor era verdad
Me amurchates propio komo una flor
I me forsates a bivar kon dolor**

**Ah, ah, ah ah, ah, ah, ah, ah, ah, ach Misirlu
Es muy amargo, ach muy amargo el sufrir
Ma no por esto, uno deve murir**

**Algun dia sufrira tu korason
I konoseras lo ke es la traisyon
Komo yo yorro ansi tu yorraras
I konsuelo nunca no toparas**

**Ah, ah, ah ah, ah, ah, ah, ah, ah, ach Misirlu
Es muy amargo, ach muy amargo el sufrir
Ma no por esto, uno deve murir**